


Кузь нэм да бур шуд!



Эжва йывлөн слава

Алексей Егорович Тимушев

Чужис 1908 вося март 6 лунö (важ ногон) Керчомъяын. Великõй Отечественнõй войнаõдз уджалис колхозын. Фронт вылõ мунис война пуксян воын да вöли сәни помöдзис. Öти бойын гранатаõн пасьвартис нель танк. Сы йылысь гижлисны поэтъяс М.Матусовский, С.Попов, П.Шеболкин. Война бöрын вöли колхозса юралысьон, нянь пöжалысьон.

Гöтырыскöд быдтис кык пиöс.

Пасйöма Гöрд знамя да Гöрд звезда орденъясон.

Кувсис 1968 воын Кебангёльын.



ПАРМА ГОР

Эжва йывса войтырлөн газет

Петö 1929 восянь

Воторник, 2011 вося декабрь 13 лун

149 (10424)-öд №

Биджыд чина

ыджыда и

курыштö

(коми шусьöг)

ТÖДÖЙ, МЫЙ ВЫЛЫС

СУЛАЛІСНЫ КЫК ТÖЛЫСЬ

«Комилесбизнес» дас öти тöлысьон заптис 75,4 сюрс кубометр вөр, кольöм воын серти 21,9 сюрс кубометрöн этшаджык, кольччис и вөр пилитöмөн.

Тадзи артмис сы вöсна, мый вагонъясон могмөдтöм вöсна эз вермыны мөдöдны көрт туйон иналом могысь дасьтöмасö. Кык тöлысь кежлö ковмис сувтöдлыны вөр пилитан цехъяс. Бөръя кадö мөдöдөм ладмис. Колö чайтны, водзö падмөгъяс оз лоны.

ДОНЪЯЛІС МОСКВА

2010 воын йöзöс ставроссияса гижөдигөн водзмöстчöмысь районьыс 17 мортöс пасийсны Госстатлөн дипломөн.

На лыдын Диасёръяса юралысь А.А.Попова, гижөдчан участокъясон веськөдлысьяс Л.Н.Егорова, В.В.Карманова, В.П.Нестеренко, О.Г.Ульнирова, инструкторъяс Т.А.Гумарова, В.В.Егорова, Н.В.Мамонтова да М.С.Тимушев, уполномоченной И.А.Соколова да мукöд.

ДЗОНЪТАЛІСНЫ БОЛЬНИЧАЯС

Помасис Кулөмдинса шөр бурдöдчанінлысь хирургия юкөн дзоньталөм.

Сыктывкарысь «Ремстройсервис» котыр выльмөдис йирк, стенъяс, джодж, вежлаліс öшинъяс. Ставыс мунис 5381 сюрс шайт, 112 сюрсыс районса бюджетысь.

Регыд эштöдасны и Керчомъяса больнича дзоньталөм, көні уджаліс тайö жö котырыс.

БУРДÖДТÖГ ОЗ КОЛЬНЫ

Деревнясын, көні абу бурдöдчанін, востъяс горгсянь тэрыб отсöг сетанінъяс.

Найö лооны Вомынбöжын, Габовын, Сордйылын, Климовскын да Фроловскын. Бөрйисны нин йöзöс, кодъяс велöдчөм бöрын кутасны сетны тайö отсöгсö. Найöс могмөдасны аппаратъясон да бурдöдчанторъясон.

ЛОИС НЁЛЬÖДÖН

Перымын мунис финн-йöгра войтырлөн «Войвыв кодзув» ставмирса конкурс.

Бөрйисны медся мича, енбия, киподтуя нылöс. Петкөдчис 8 морт, тшöтш и Кужйысь Нина Тарабукина, коді велöдчö Сыктывкарса вөр институтын. Нина босьтис нельöд места.

ШОЙЧЧАМ ДАС ЛУН

«Коминформлөн» юөртöм серти, коймөд во дорывыс Выль вося праздникъяс дырий шойччам 10 лун.

Комиын удж кузя государственной инспекция юөртö, мый Российской Федерациялөн Удж кодексъс 112-öд статья серти, декабрь 30-öд лун (пекничка) лөө праздникводзвыса лунөн, сідзкө, уджалам часон этшаджык. Декабрь 31-öд лун субöта, январ 1-5-öд лунъяс - Выль вося шойччан лунъяс, январ 7-öд лун - Рöштво - праздник лун. Сы вöсна мый январ 1-öд лун - вöскресенньö, а январ 7-öд лун - субöта, шойччан лунъяс вуджасны январ 6-öд да 9-öд лунъяс вылö.

Татшөм ногон, 2012-öд воын медводдза уджалан лунөн лөө январ 10-öд лун, воторник.

Асланым да общ. корреспондентъяс.

ТУГАНÖН ЛОИС ГУДÖКАСЪЫСЬ

Озыр мывкыдаöсь, писькөсöсь, зильöсь, сюсьöсь да статьяöсь. Тадзи ыдждöдлісны зонъясöс «Туган» районса конкурсе вылын, көні петкөдчисны Вочысь Александр Касев, Дереваннойысь Александр Попов, Помөсдинысь Алексей Есев, Мысысь Алексей Паршуков, Пожөгысь Иван Лажанев да Зимстанысь Максим Стрийский.

Медводз Кулөмдинса культура керка водзын петкөдчисны коми ворсöмъясын. Вермасисны бедьöн, лыйлісны гира, чеччалісны нортъяс вомөн, кыскалісны даддын пукалысь мортöс. Медся тэрыбөн да ёнон лоис Алексей Есев. Мөд местаö петіс Иван Лажанев, коймөдö - Александр Касев.

Сямлун петкөдлісны мөд юкөнын. Дереваннойса школаысь Александр Попов радейтö футбол. Петкөдліс, кыдзи сылысь кывзысьö мач. Нöшта петкөдліс нывтэрыскөд важся корасьöм. Иван Лажанев унаысь петаліс вермысьон каратэысь ордйысьöмын. Тайö порйö кинас вартöмөн жугліс пöвнторъяс. Максим Стрийский радейтö спорт, велöдö томъясöс йөктыны брейк данс. Тайö кужöмлунсö и петкөдліс сцена вылын. Алексей Есевлөн медбур ёртыс гудөк, кодкөд оз янсөдчыв некор. Бура и сяркөдс кизъясон. Чужан му



динö муслун йылысь кывбур лыддис Александр Касев. Таысь кындзи, быдөн вочавидзис шмонитана юалöмъяс вылö. Жюри медвылö донъяліс Александр Поповöс. Алексей Есев лоис мөдөн, коймөдөн - Александр Касев. Ставынылы вичмисны аттöалан гижөдъяс да козинъяс.

Конкурсын вермис Помөсдинысь Алексей Есев.

Армия бöрын уджалö «ОптимаЛес» котырын, кыскалö МАЗ-өн вөр.

- Биджыд аттö Янина Ивановна Уляшпелалы, коді гудөкөн ворсны велөдис мөдөд классянь. Гудөкөн вунодан мудз и шог. Аттö и культура керкаса уджалысь Валентина Васильевна Игнатовалы, коді ышөдö быдсыама гажъяс вылö, - шуис Алексей Есев.

Мөд местаö петіс Вочысь Александр Касев, коймөдö - Пожөгысь Иван Лажанев. Медся статья зонмөн шуисны Иван Лажаневöс. Предприниматель Алёна Павлиновна Напалкова сылы вичмөдис козин.

Марина ДАДАШОВА.

Авторлөн снимок вылын: конкурсын вермысь Алексей Есев.



СУДЗÖДÖЙ ДА ЛЫДДЬÖЙ «ПАРМА ГОР»

Колис кык вежон 2012 волөн медводдза джын кежлö газетъяс да журналъяс вылö гижөдчөм могысь. Кутам лача, мый Эжва

йывса олысьяс оз вунöдны судзöдны ассыс «Парма гор» газет. Öд сöмын сэтгысь найö вермасны тöдмавын районлысь вильторъяс, экономикаын да социальной юкөнъясын вежсьöмъяс.

Судзöдан дон татшөм:

тöлысь кежлö 52 шайт 79 көпейка, кум тöлысь кежлö 158 шайт 37 көпейка, во джын кежлö 316 шайт 74 көпейка.

Редакция.

МЫЙ МЕДОНА



Диасёръяысь том морт Александр Николаевич Игнатов:

«Армияын верстыамман, мортъямман. Буретш сәни гөгөрвоан, мый медся муса да дона ас чужанін, сөстөм коми кыв, озыр вөр-ва, а медся-медсясыс - бать-мам да матыссаяс, кодъяс пыр виччысьоны миянös шуда позйын».



МИЯНЛЫ
ГИЖÖНЫ

МУСА ЫДЖЫД МАМ

Менам ыджыд мам Агния Михайловна Третьякова чужис 1947-öd воын Тимшер дорса Паспом грездын. Дас челядь пиын вöлі мед-ыджыдöн. Ичотсянь сюрліс быдсяма удж: видзны чой-вокос, чышкыны-мыськыны, ытшкыны-куртны, вöчны пес, вотчыны. Велöдчигөн котраліс сьöd вөр шөрöд нель километр сайса Вөркерöс грездö. Кокъямыс класс помалöм бөр-ын босытчис уджавны. Вöлі воспитательöн Вичкодорса да Польеса садъясын, велöдис ичот класса челядьöс Пожогдінса школаын. Бөр-ынджык олөмсö йитіс видз-му овмөскöд, матö 30 во бригадираліс Пожогдінын. Сәки буретш котыртисны том йöзлыс ферма, вöліны весиг ВДНХ вылын. Унаыс босытисны ордысьöмын медводдза места. Эм «Социалистической удж-ывса ударник» пас. Ыджыд мамöс кыкыс бөрйылісны Пожог сиктсöветса депутатöн, сіджкө вöлі Коми АССР-лөн Верховной Советса депутатöн. Шойчыны петöдз лысьтысис. Бур уджыс сетісны Коми АССР-ыс народной овмөсса заслуженной уджалысьлыс ним да «Уджывса ветеран» медаль.

Петавліс верöс сайö. Гозья кыпöдисны ыджыд керка, быдтисны кум нылöс да öти пиöс. Öнi керка тыр век дзользöны внук-внучкаяс. Ыджыд мам век тöдö удж, видзö куми куканьöс да мөскöс. Быд лун пуö-пöжалö, чөсмöдлö чөскыд пирог-шаньгаөн. Ыджыд мамлөн пыр восьса керка öдзöс: тшөкыда пыравлöны рөд-вуж, нывъяс, зятъяс, ветлысь-мунысьяс. Быд-өнös вердö-юкталö.

Ме зэв өна радейта муса ыджыд мамукöс да сия овны-вывны дзоньвидзаөн да вермысьон уна-уна во.

Ирина НЕХОРОШЕВА.

Ярашгю.

ШУШТÖМ СЕРПАС

Кольöм нэмлөн 30-öd воясынь шырöмөн-шырöны парманымöс. Вөр пөрöдысьяс олöны öти лунöн, мед сöмын курыштны сьöм. Мица вөр некөн нин абу. Бырисны чөскыд пувъя ягъяс. На пыдди лоисны турунзьöм нюръяс. Мунан сиктсаян сиктöдз да аддзан: вөр туй пöлөн кольöма муртса кымын метр пасьята визьöн, сöмын сайöдыштöма пыдысь-джык пасьяртöмсö. Тар, дозмөр да сьöла пыдди лөбалöны катша-рака да кырныш. Парма оз нин вай йöзлы нимкодълун, оз нин сайöд куш плешнас кодзыд төвъясыс. Пармаын ставсö жугöдö Финляндияса вына техника. «Монди» кындзи заптöны код тöдас көн регистрируйтчöм котыръяс. Озырмöны, а танi олысь йöзлы налогъясөн нинöм оз лок. Вөр бырö - косьмöны нэмöвöйся нюръяс, а сіджкө, и шоръяс, посни юяс, Эжва-матушканым. Коми сиктъяс öтарö гольмöны, амольтчöны. Йöз муноны овны, көнi бурджык - юрисктö, карö. Бөрöны ичот сикт-грездъяс. Эндöны, вöрсялöны муяс, видзьяс. Шуштöм.

Анатолий ПОПОВ.

Кулөмдін.

ОЛАМ ПЕМЫД ГУЫН МОЗ

Шыödчам «Парма гор» газет пыр чина йöз дорö, гашкö, кодкö и кылас. Кыдзи и быд төв, Вылыс Вочын олам ошъяс моз пемыд гуын: дзик сикт шөр-ын öйö сöмын öти лампа. Миян абу сотövöй йитöд, фельдшер. Клуб воссывлö гежöда. Мед петны сиктысь, водзвыс колö звöнитны да корны автобус. Пöшти быд керкаын эм челядь. Висьмасны кө, лөк котравны, корсысьны, кысянь звöнитны Зимстанöдз, медым корны бурдöдысьöс.

Чина йöз, вай кыдзкө отсыштöй бурмөдны-югзöдны Вылыс Вочын олөм. Зэв өна корам, мед сиктын лоас бурдöдысь, мед вöчасны сотövöй йитöд да автобус ветлас урчитöм кад серти.

Вера ГИЧЕВА.

Вылыс Воч.

Декабр 2 лунö республикаса юралысь В.М. Гайзер Помöсдінса культура керкаын адзысьліс Помöсдін вожса олысь-яскöд. Вöліны и районөн веськөдлысьяс. Вячеслав Михайлович часысь дыр-джык вочавидзис йöзлөн куалөмъяс вьлö.

«Усть-Куломский лес» котырөн веськөдлысь, райсöветса депутат Р.В. Третьяков, висьталіс, мый районьса дас предприятиеөн веськөдлысь лөсьöдисны котыр, көйöны заптыны вөр да вöчны тьöс-плака, мукöдтор, но



РЕСПУБЛИКА ОТСАЛАС РАЙОНЛЫ

вөр абу, ставсö сетісны «Монди СЛПК» да «ЦентроВудКом» котыръясы. Көть оз заптыны ставсö, мукöдлы оз сетны. Экономика өнмөдөм да уджык сьöм «вөчөм» могысь районын колö котыртны ичот да шөр предприятиеяс, но тайö тшөкыда оз артмы. Республика юралысь висьталіс, мый «Монди СЛПК» котыр көртымö босытмөс вөр оз сет некодлы. Вермас вичмөдны сöмын субарендаö. Районö воддза волгөн сийö өся сөрнитис «ЦентроВудКом» котыр йылысь, но бурланьö нинöм эз вежсы. Оз кө ло сьысь республикалы да районлы некышöм бур, вөрсө вермасны босытны бөр.

Республика зильö отсавны оз сöмын гырысь, но и ичот предприятиеясны, көнi уджалö 5-10 морт, оз сет найös «пöдтыны».

Видз-му овмөс министрстволөн районса юкөн-өн веськөдлысь А.Р.Ярова корис ыджыд сиктъясы, көнi өна видзöны скöт да уна крестьянин овмөс, сетавны тракторьяс агрегатъясөн. Анастасия Ревокатовна пример вьлö

вайöдис Донös, кодлы сетісны трактор, быдсяма агрегатъясөн. Йöз öнi оз майшасыны гөрöм да турун пунктöм вöсна. В.М. Гайзер вочавидзис, мый республикаса финансыс министрстволы сетас индöд да 2012-2013 воясын нөбасны тракторьяс да сы дорö агрегатъяс.

Помöсдінса бурдöдчанінөн веськөдлысь Л.С. Уляшева аттöваліс локтан воын 3 миллион 500 сюрс шайт торйөдöмысь. Сәк жö колö на öзйөмъясысь видзчысян оборудование вьлö 2,5 миллион шайт. Людмила Светозаровна сіджкө сувтліс бурдöдчанінъяс кыпöдөм да «өдйö отсöг сетан» машинаясөн могмөдөм вьлö. Республикаса юралысь пасйис, мый öзйөмъясысь видзчысян оборудование ньöбөм да пунктöм вьлö сьöм сетö район. 2012 воын примитасны «өдйö отсöг сетан» машинаяс ньöбөм да бурдöдчанінъяс кыпöдөм вьлö программаяс. Районлы колö 7 машина. Правительство видлалас Кужйын, Вольдінын, Доньын, Лопъя-вадын, Смоленкаын, По-

жөгдінын да Диасёръяын бурдöдчанінъяс, Немдін-ын, Ручын, Кебантёльын да Зимстанын амбулаторияяс кыпöдөм йылысь районсянь шыödчөмъяс.

Помöсдінсыс культура керкаса директор В.В.Соколок сөрнитис культура керка вужвийөн дзоньталөм йылысь. В.М.Гайзер висьталіс, мый 2011-2013 вояс кежлö примитöма «Культура» программа, код серти Доньын кыпöдасны 100 морт вьлö клуб да библиотека, вужвийөн дзоньталасны районса культура керка. Помöсдінса культура керка дзоньталөм тайö программаын абу. Но майшасыны оз ков: республикалөн бюджетö кө воас урчитöмысь уджык сьöм, то вичмөдасны содтöд сьöм буретш культура керкаяс дзоньталөм вьлö. Районса администрациялы колö ас кадö дасьтыны колана документъяс.

Помöсдінса да Скөрöдумса школаясөн веськөдлысьяс Ф.Э.Линдт да Т.Н. Чисталёва көйисны төдны, кор лөптасны вьль школаяс. Помöсдінса школалөн нель керка, велöдчö

380 морт. Таво помасис лицензия. Скөрöдумса школа кыпöдлісны кольöм нэмса комьнөд воясын.

- Меным зэв яндзим велөдчысьяс да велөдысьяс водзын, - шуис Т.Н.Чисталёва.

- Меным сіджкө яндзим, - шуис В.М.Гайзер. - Сы вöсна мый татшөм серпас республика пасьята. Но 2011 воын век жö сяммим кыпöдны 16 школа да детсад. Водзö вьлö медводз кыпöдам найös сәни, көнi киссян выйынöсь. Помöсдінса школа на лыдö оз пыр, но кутам корсынь позялунъяс, медым 2012 воын сийös дзоньтавны вужвийөн.

Помöсдін вожса уна олысьсö майшöдлö Кырныша дорын Эжва ю вомён помавтөм пос. Республикаса юралысь висьталіс, мый босытчасны вöчны кык во мысти. Öнi республикаын өмсöс төдчанаджык стройбаяс.

Став юалөм вылас вичмыс вочакыв.

Николай ЛЮТОЕВ.
Авторлөн снимок вьлын республикаса да районса юралысьяс В.М. Гайзер да Д.А.Шатохин.

ГАЗЕТЫН ГИЖЛÖМ БÖРЫН

ЮÖРТÖМА ЮРАЛЫСЬЛЫ

«Парма гор» газетлөн тавося 136 номерын петаліс Александр Бондаренколөн «Сувтöдны олөдан пас» гижöд. Сийö норасис аэропортсаян сикт шөрöдз туй вывти машинаясөн öдйö журьялөм вьлö: подөн мунысьяслы лөк ветлыны полөмөн, бокö кежны не-кытчö, туй бокöд мунанін векни, абу дыр неминучаөдз. Вöзйис пуктыны машинаяслы ичот öдөн ветлан пас, мед эз позь-мунны 40 километрыс öдйөджык. Кутö лача, мый мставывса власьт да ГИБДД-лөн юкөн оз кольны веськөдчөн, мунасны

вөзйөмысьлы воча.

Норасьöм кузя вочакыв сетіс ГИБДД-лөн юкөнса шөр государственной инспектор В.А. Каримов. Сийö видзöдліс Ленин да Магистральная нима уличаяс-костса туйяс да збыльысь казаяліс тырмытöмторьяс. Öти-кө, абу подөн ветлысьяслы мунанін, мөд-кө, абу туй-бокса олөдан пас, медым машинаяс ветлісны 40 километрысь эз öдйөджык, коймөд-кө, абу тырмытөн югзөдан лампа. Тырмытөмторьяс йылысь юөртисны районса юралысь Д.А.Шатохинлы, медым примитны найös бырөдөм могысь мера.

ТИЯНЛЫ ТÖДВЫЛÖ

ВИДЗЧЫСЬÖЙ ГРИППЫСЬ

Төвнас бара на вермас өна пасьяканы гриппөн висьöм. Такöд йитöдын колö:

- бурдöданінъясылы котыртны гриппысь прививка вөчөм; стационаръясылы лоны дасьöн бурдöдны гриппөн висысьясöс, могмөдны колана мында лекарствөөн;

- аптекаясын лөсьöдны тырмытөн лекарство, асьтö видзан средствояс;

- дугдыны велөдөмысь, висьö кө став велөдчысь пысь 20 процентыс; могмөдны школаясөс медицинаса уджалысьясөн да оборудованиеөн (термометръясөн, бактерицидной лампаясөн, дезинфекция сораस्याсөн да с.в.); велөдан жырьясын кутны колана мында шоныд, тшө-

кыдджыка мыськавны да ыркөдны;

- грипплөн өна пасьялгөн культура да спорт учреждениеяслы дугöдны уна йöза мероприятияяс нуödөм;

- ылітi мунны кызысьяс да несъялысьяс дорсянь; тшөкыда мыськыны кияс майтөгөн; бура сөйны, тырмытөн узны.

Висысь мортös водтөдöй торья жырйö; сийös дөзö-ритгөн тупкой ныр-вомнытö ватаа-марляа кутöдөн, кодös вежöй быд 3 час мысти; висысь дорö пыралөм бөр-ын мыськөй киньтö майтөгөн; тшөкыдджыка ыркөдöй, мыськалөй-пелькөдöй дезинфицируйтан сораस्याсөн.

Людмила САВЕЛЬЕВА,
Роспотребнадзорлөн районса юкөнсыс медшөр специалист-эксперт.

МОРТ ДА ЗАКОН

ЭМ ТАТШОМ СЛУЖБА

Газетлөн корреспондент аддзысьліс миграция служба управленийлөн Куломдінса юкөнныс старшой инспектор Елена Дмитриевна ЗУБКО-КОД.

- Корсянь Ті тайо службабын?

- Паспорт-виза службабын ме уджала 2003 восянь. 2006 вося январьянь сійо лоис миграция службабын. Но вежелалам да сетам выль паспортгьяс ми. Таысь кындзи сетам нощта 20 сайо отсөг. 2011 вося июль 1 лунсянь босытим сетавны паспортгьяс, кытысь гижод позьо лыддыны сомын машина отсөгөн. Машинаон лыддьян гижод паспортлөн коймод лист бок вылын. Латинской букваясон да арабской лыдпастьясон сэтчө гижөма ним, вич, ов, чужан кад, паспортлысь номерсө да сериясө. Тайо гижодыс колө самолётон лэбзян да поездон муна билетгьяс босытгөн.

- Сідзкө, районса олысьялы быть колө босытны выль паспортгьяс?

- Оз. Ас койом серти ог жө сетой. 2011 вося

июль отиод лунөдз сетом паспортгьяс шогмасны урчитом кадөдз.

- Ёна-ө волөны Эжва йылө суйорсайса олысьясы?

- Районө суйор сайыс локтөны этшаон. 9 төлысьон сувтөдм учёт вылө 75 мортос. Унджыкыс овлісны СССР-са вөвлөм республикаясын. Но районын эмөсы и США-ысь, Македониясы, Болгариясы да Латвиясы локтөмгьяс, кодгьяс мянын олөны дыр нин. Локтөны батыам, челядь да төдсаеядорб. Эмөсы и сэтшөмгьяс, кодгьяс корсьоны удж.

- Но өд мян уджтөмалөны асланым йөз.

- Кольом вося июль отиод лунсянь патент серти найо вермасны уджавны коть код дорын: стрөитны, мый индасны, идравны өшинюв, чышкыны-мыскыны, пусыны-пөжасыны, видзны кага да с.в. Но мортос, коді сетас удж,



колө корсьны аслыныс. Найос кө босытас ас вылө уджалысь либө предприятиеон веськөдлысь, то татшөмгьясө вермасны кыскыны административной кывкутөмб. Штрапгьяс ыджыдөсь - 800 сюрс шайтөдз. Оз кө мынтыны ас кадө, содө кык пөв, вермасны пуксьөдны 15 сутки кежлө.

- Тян котырын сомын нывбабаяс. Көнкө, сьөкыд?

- Уджалам полицейскойскөд отув, кодгьяс сетөны отсөга ки. Быд төлысь нуодам рейдгьяс, вөчам мукөд удж. Татшөм туйвизьөд мунам и водзө.

Николай ЛУТОЕВ.

Авторлөн снимок вылын: миграция служба управленийлөн Куломдінса юкөнныс старшой инспектор Е.Д.Зубко да инспектор Н.В.Кулалаева.

МИЯНЛЫ ГИЖОНЫ

ЭН КОЛЬОЙ ВЕСЬКОДЬОН

«Парма гор» газет тшөкыда йөзөдө вина юомлы паныд гижөдгьяс. Менө ёна жө майшөдлө том йөзлөн юом. Юнысө кивыв: лавкаяс лун и вой вузалөны юр дурмөданторгьяс. Водзт кө вузасисны 10 час лунсянь 9 час рытөдз, өкмысдасөд воясын талонгьяс серти сетисны 21 арөссянь, то өни позьо ньөбны кор окота да мыйта окота 18 арөссянь. Сомын на пыбитасны вомысь нөнь, куритчөны нин, весиг нывгьяс. Оти кыин - сурдоз, мөдын - папирос

пом, коть велөдчөны на.

Верөс кувсис 16 во сайын. Вит пиөс быдти ачым. Некод лөк вылө эз сетчы: ставөн ветлісны армияө, шань йөз, уджалөны, оз юны.

Газетысь лыдди, мый сурөн вузасысьясөс топөдасны 2012 волөн июль 1 лунсянь. Сэтчөдз быть мыйкө колө вөчны, өд во джыинөн вермасны кувны унаөн. Мед тайо лектор дорас некод эз коль веськодьон.

Елизавета УЛЯШЕВА.

Помөсдін.

ТӨДМАСЯМ ВЫЛЬ ЗАКОНГЯСӨН

Ноябр 12 лунө тырис куим во «Закон да правопөрадок» клублы, коді ветерангьяслөн райсөвет бердын, уджалө «Велөдчы дорйыны асьтө да велөд мукөдөс» пас серти. Котыртны сійөс тшөктис олөм, сы вөсна мый олөма йөз пиысь унаөн оз судзөдны газетгьяс, көні йөзөдөны выль законгьяс, этшаон вөдитчөны ин-

тернетөн. Чукөртчылам төлысьын өтчид. Волө шөркодья 20 морт. Клуб вөсьса ставлы, вермасны волыны оз сомын Куломдінса, но и орччасиктгьясса да поселокгьясса олысьясы.

Миянкөд аддзысьлісны районса прокурор В.В.Юхнин, бөрийсыан комиссияса председатель Г.И.Холопова, пенсия фондөн веськөдлысь

ТІЯНЛЫ ТӨДВЫЛӨ

СТАВЫС АС КИЫН

Быд морт вермө вөчны мыж. Сійө кө сьөкыд, вайис ыджыд шог да воштөм - вермасны пуксьөдны дзескыдінө. Но овлө, мый морт мыжмис медводдзаысь, эз вөч ыджыд лөк да вермас сувтны веськыд туй вылө. Сэк сылы сетөны сідз шусяна условной кад, кор вермас петкөдлыны асьсө бур боксянь да позьо эскыны, мый водзө оз шыбелит. Условной кадө уголовно-исполнительной инспекциялы юөрттөг мыжмөм мортлы оз позь вежны оланін, удж, велөдчанін, вөчны административной мыж, сылы быть колө бурдөдчыны юомысь да с.в.

Условной мыждөм өткымын морт гөгөрвоө, мый ставыс ас саяс, да бур оласногөн петкөдлө, мый сувтис веськыд туй вылө. Мыждөмсө вермасны киритны кадысь водз. Но унаөн тайос оз гөгөрвоны да водзө торкалөны закон. Татшөмгьясысь кадсө вермасны

нюжөдны либө пуксьөдны дзескыдінө. Сідз, Керчомгьяса өти олысь эз зиль бурмөдны асьсыс олөм. Эмбур гусялөмысь суд сетис сылы 2 во да 6 төлысь условной да та мында жө испытайтан кад. Инспекциялы юөрттөг сылы эз позь эновтны пыр кадся оланін да удж, вөчны административной мыж, коліс быд төлысь петкөдчыны да пасйысьны. Но тайо мортасы став вылас өвтыштис кион. Суд лыддис коланаон пуксьөдны мортсө отувгья режима колонияө кык да джын во кежлө.

Эм и бур пример. Немдінса өти аныс суд мыждис условной во да 6 төлысь испытайтан кадөн 6 төлысь кежлө. Ань петкөдліс асьсө бур боксянь. Көть испытайтан кадис коліс сомын джынысь, суд киритис мыждөмсө. Эскысьсө, мый ань водзө оз кеж веськыд туй вылысь.

Районса судлөн пресс-служба.

МЕД ЭЗ ПЫШЙӨДНЫ

Быд лун полицияө вооны машинаяс гусялөм йылысь юөргьяс. Гусявны вермасны весиг зөв дона машина, коть сэтчө пунктөма бурсыс-бур сигнализация да сы бөрся видзөдөны спутник пыр. Мый вөчны, мед эз пышйөдны?

* Пөшти быд машинаө пунктөм сигнализация «горзө» өткодя. Бөрийөй сэтшөмөс, мед «гөлөсы» торьяліс.

* Бур, эм кө пейджер. Сійө юөртас, мый кодкө пуксьө машинаө, эн кө ылыстчөй километраысь ылөджык. Бөрийөй сэтшөм пейджер, коді юөртө сотөвөй телефон вылө. Сы отсөгөн сідзжө позьө кусөдны сигнализация, двигатель, төдшөмгьяс, көні тиян машинаныд.

* Ылыстчаннид кө кытчөкө, тупкөй машинасыд став өшиньсө. Эн кольөй машина пытшкө донаторгьяс, а коляннид кө, то суйөй багажникө либө бардачокө. Дзөбөй автомагнитолалысь панельсө.

* Эн пунктөй сигнализация ыджыд автоцентрөгьясын. Сәні бергөдчө вьвти уна йөз, та

вөсна вермасны пуктыны ылөсас. Корсьөй ичөтөджык котыр. И кутөй төдвылын: вөчөны мед тайо уджсө бура төдысь йөз. Эн ляжкөй машина вылад гижөд, көні пасйөма, кутшөм сигнализация ті пунктінныд. Капот томналой сідзи, медым эз вермыны пырны.

* Ті кө кытчөкө пыранныд «сомын здук кежлө», босөдөй машинатө да босөтөй ключтө аскөдныд.

* Эн кольөй машинаө документгьяс, новлөдлөй найөс сьөрсыныд. Машина да сигнализация ключгьяс видзөй торгья зөпгьясын.

* Мунанынд кө уна йөзанинө, сувтөдөй машинатө петанін дорө матөджык, а эн пемыд пельсө. Эм кө позьянлун, пунктөй вештысян сувтланінө.

* Коляннид кө войын машинатө ывла вылө, сувтөдөй югыдджыкинө, шуам, пөнар улө.

* Эн кольөй машинаныд содтөд ключгьяс. **Коми республикаса ГИБДД-лөн патрульной служба юкөн.**



ЛОКТИС АС РАЙОНӨ

Сентябр 12 лунсянь районса судон юрнөдө ас районса морт Юрий Николаевич Ерчин. Чужліс 1964 воын Лөгингьяын, челядьдырыс коліс Югыдгьяын да Куломдінны. 1979 воын помаліс Куломдінса шөр школа да пырис Новгород областыс автодорожной техникумб. Сы бөрын служитис армияын. 1983-1985 воасын вөлі Афганистанын. Пасйисны «За отвагу» медальон. Гөртө локтөм бөрын уджаліс Сыктывкар-Куломдін туй вөчанінын. 1986 воын олөмсө йитис милициякөд: вөлі участкөвөй уполномоченнойон, ГАИ-са уджалысьон, пытшкөсса делөяслөн юкөнса начальникөс вежысьон, общественной безопасностилөн милицияса начальникөн.

Милицияын уджалөм бөрын вөлі районса судын администраторөн, судьялы да судса юралысьлы отсасысьон. Сәсся уджаліс Сыктыв районын: вөлі судьяон, судса юралысьон. Но Юрий Николаевичөс кыскис ас районсы, керкаыс, кодөс кыпөдіс ачыс, корис вуджөдны Куломдінө.

Ю.Н.Ерчин помаліс милициялысь Ленинградса высшөй школа, водзө велөдчис правосудиелөн Россияса академияын. Гөтырыскөд быдтисны кык челядьсө. Олег Абгячойын следователь, Екатерина велөдчө Сыктывкарса вөр институтын. Юрий Николаевич радейтө вочачыны, кыйны чери.

Николай ЛУТОЕВ. Авторлөн снимок вылын: **Ю.Н.Ерчин.**

Лист боксө дасьтисны **Николай ЛУТОЕВ** да **Лидия ЛИПИНА.**

цияысь муниципальной овмөс да территориальной совман юкөнөн веськөдлысь В.В.Распутиняөс. Воліс вежа ай Александр.

Клубө пырысьяс асланыс төдөмлунгьясөн юксьөны Куломдінса олөма йөзкөд.

Нина СТАРОСТИНА, клубөн веськөдлысь.

